

Parshat Shoftim: Eretz Yisrael: Ideal Leadership in a Land of Life

(1) דברים פרק טז

(יח) שפטים ושטרות תתן לך בכל שעריך אשר יקוק אלהיך נתן לך לשבטיך ושפטו את העם משפט צדק:
 (יט) לא תטה משפט לא תכיר פנים ולא תקח שחד כי השחד יעור עיני חכמים ויסלף דברי צדיקים: (כ)
צדק צדק תרדף למען תחיה וירשת את הארץ אשר יקוק אלהיך נתן לך: ס

(2) שמואל א פרק טו

(יג) ויבא שמואל אל שאול ויאמר לו שאול ברוך אתה ליקוק הקימתי את דבר יקוק: (יד) ויאמר שמואל ומה קול הצאן הזה באזני וקול הבקר אשר אנכי שמע: (טו) ויאמר שאול מעמלקי הביאום אשר חמל העם על מיטב הצאן והבקר למען זבח ליקוק אלהיך ואת היותר החרמנו: ס
 (טז) ויאמר שמואל אל שאול הרף ואגידה לך את אשר דבר יקוק אלי הלילה ויאמר לו דבר: ס
 (יז) ויאמר שמואל הלוא אם קטן אתה בעיניך ראש שבטי ישראל אתה ומשחך יקוק למלך על ישראל: (יח) וישלח יקוק בדרך ויאמר לך והחרמתה את החטאים את עמלק ונלחמת בו עד כלותם אתם: (יט) ולמה לא שמעת בקול יקוק ותעט אל השלל ותעש הרע בעיני יקוק: ס
 (כ) ויאמר שאול אל שמואל אשר שמעתי בקול יקוק ואלך בדרך אשר שלחני יקוק ואביא את אגג מלך עמלק ואת עמלק החרמתי: (כא) ויקח העם מהשלל צאן ובקר ראשית החרם לזבח ליקוק אלהיך בגלגל: (כב) ויאמר שמואל החפץ ליקוק בעלות וזבחים כשמע בקול יקוק הנה שמע מזבח טוב להקשיב מחלב אילים: (כג) כי חטאת קסם מרי ואון ותרפים הפצר יען מאסת את דבר יקוק ומאסת ממלך: ס
 (כד) ויאמר שאול אל שמואל חטאתי כי עברתי את פי יקוק ואת דבריך כי יראתי את העם ואשמע בקולם: (כה) ועתה שא נא את חטאתי ושוב עמי ואשתחוה ליקוק: (כו) ויאמר שמואל אל שאול לא אשוב עמך כי מאסתה את דבר יקוק ומאסת יקוק מהיות מלך על ישראל: ס

(3) שמואל ב פרק ו

(יב) ויגד למלך דוד לאמר ברוך יקוק את בית עבד אדם ואת כל אשר לו בעבור ארון האלהים וילך דוד ויעל את ארון האלהים מבית עבד אדם עיר דוד בשמחה: (יג) ויהי כי צעדו נשאי ארון יקוק ששה צעדים ויזבח שור ומריא: (יד) ודוד מכרכר בכל עז לפני יקוק ודוד חגור אפוד בד: (טו) ודוד וכל בית ישראל מעלים את ארון יקוק בתרועה ובקול שופר: (טז) והיה ארון יקוק בא עיר דוד ומיכל בת שאול נשקפה בעד החלון ותרא את המלך דוד מפז ומכרכר לפני יקוק ותבז לו בלבה: (יז) ויבאו את ארון יקוק ויצגו אתו במקומו בתוך האהל אשר נטה לו דוד ויעל דוד עלות לפני יקוק ושלמים: (יח) ויכל דוד מהעלות העולה והשלמים וברך את העם בשם יקוק צבאות: (יט) ויחלק לכל העם לכל המון ישראל למאיש ועד אשה לאיש חלת לחם אחת ואשפור אחד ואשישה אחת וילך כל העם איש לביתו: (כ) וישב דוד לברך את ביתו ותצא מיכל בת שאול לקראת דוד ותאמר מה נכבד היום מלך ישראל אשר נגלה היום לעיני אמהות עבדיו כהגלות נגלות אחד הרקים: (כא) ויאמר דוד אל מיכל לפני יקוק אשר בחר בי מאביך ומכל ביתו לצות אתי נגיד על עם יקוק על ישראל ושחקתי לפני יקוק: (כב) ונקלתי עוד מזאת והייתי שפל בעיני ועם האמהות אשר אמרת עמם אכבדה: (כג) ולמיכל בת שאול לא היה לה ילד עד יום מותה: פ

(4) דברים פרק יז

(ו) על פי שנים עדים או שלשה עדים יומת המת לא יומת על פי עד אחד: (ז) יד העדים תהיה בו בראשנה להמיתו ויד כל העם באחרונה ובערת הרע מקרבך: פ

(5) דברים פרק כא

(א) כי ימצא חלל באדמה אשר יקוק אלהיך נתן לך לרשתה נפל בשדה לא נודע מי הכהו: (ב) ויצאו זקניך ושפטיך ומדדו אל הערים אשר סביבת החלל: (ג) והיה העיר הקרובה אל החלל ולקחו זקני העיר ההוא עגלת בקר אשר לא עבד בה אשר לא משכה בעל: (ד) והורדו זקני העיר ההוא את העגלה אל נחל איתן אשר לא יעבד בו ולא יזרע וערפו שם את העגלה בנחל: (ה) ונגשו הכהנים בני לוי כי הם בחר יקוק אלהיך לשורתו ולברך בשם יקוק ועל פיהם יהיה כל ריב וכל נגע: (ו) וכל זקני העיר ההוא הקרבים אל החלל ירחצו את ידיהם על העגלה הערופה בנחל: (ז) וענו ואמרו ידינו לא שפכו את הדם הזה ועינינו לא ראו: (ח) כפר לעמך ישראל אשר פדית יקוק ואל תתן דם נקי בקרב עמך ישראל ונכפר להם הדם: (ט) ואתה תבער הדם הנקי מקרבך כי תעשה הישר בעיני יקוק: ס

(6) תלמוד בבלי מסכת סוטה דף מו עמוד א

א"ר יוחנן בן שאול: מפני מה אמרה תורה הביא עגלה בנחל? אמר הקב"ה: יבא דבר שלא עשה פירות, ויערף במקום שאין עושה פירות, ויכפר על מי שלא הניחו לעשות פירות.

(7) דברים פרק כ

(ה) ודברו השטרים אל העם לאמר מי האיש אשר בנה בית חדש ולא חנכו ילך וישב לביתו פן ימות במלחמה ואיש אחר יחננו: (ו) ומי האיש אשר נטע כרם ולא חללו ילך וישב לביתו פן ימות במלחמה ואיש אחר יחלנו: (ז) ומי האיש אשר ארש אשה ולא לקחה ילך וישב לביתו פן ימות במלחמה ואיש אחר יקחנה: (ח) ויטפו השטרים לדבר אל העם ואמרו מי האיש הירא ורד הלבב ילך וישב לביתו ולא ימס את לבב אחיו כלבבו: (ט) והיה ככלת השטרים לדבר אל העם ופקדו שרי צבאות בראש העם: ס (י) פי תקרב אל עיר להלחם עליה וקראת אליה לשלום: (יא) והיה אם שלום תענד ופתחה לך והיה כל העם הנמצא בה יהיו לך למס ועבדו: (יב) ואם לא תשלים עמך ועשתה עמך מלחמה וצרת עליה: (יג) ונתנה יקוק אלהיך בידך והפית את כל זכורה לפי חרב: (יד) רק הנשים והטף והבהמה וכל אשר יהיה בעיר כל שללה תבז לך ואכלת את שלל איביך אשר נתן יקוק אלהיך לך: (טו) כן תעשה לכל הערים הרחוקות ממך מאד אשר לא מערי הגוים האלה הנח: (טז) רק מערי העמים האלה אשר יקוק אלהיך נתן לך נחלה לא תחיה כל נשמה: (יז) פי החרם תחרימם החתי והאמרי הפנעני והפרזי החוי והיבוסים כאשר צוה יקוק אלהיך: (יח) למען אשר לא ילמדו אתכם לעשות ככל תועבתם אשר עשו לאלהיהם וחסאתם ליקוק אלהיכם: ס (יט) פי תצור אל עיר ימים רבים להלחם עליה לתפשה לא תשחית את עצה לנדח עליו גרזן פי ממנו תאכל ואתו לא תכרת פי האדם עץ השדה לבא מפניך במצור: (כ) רק עץ אשר תדע כי לא עץ מאכל הוא אתו תשחית וכרת ובנית מצור על העיר אשר הוא עשה עמך מלחמה עד רדתה: פ

(8) ויקרא פרק יח

(א) וידבר יקוק אל משה לאמר: (ב) דבר אל בני ישראל ואמרת אליהם אני יקוק אלהיכם: (ג) כמעשה ארץ מצרים אשר ישבתם בה לא תעשו וכמעשה ארץ כנען אשר אני מביא אתכם שמה לא תעשו ובחקתייהם לא תלכו: (ד) את משפטי תעשו ואת חקתי תשמרו ללכת בהם אני יקוק אלהיכם: (ה) ושמרתם את חקתי ואת משפטי אשר יעשה אתם האדם וחי בהם אני יקוק: ס (ו) איש איש אל כל שאר בשרו לא תקרבו לגלות ערוה אני יקוק: ס